



МЕСЯЦА АВГУСТА В 29-й ДЕНЬ

Усекновение честныя главы
честнаго славнаго Пророка,
Предтечи и Крестителя Иоанна

НА МАЛОЙ ВЕЧЕРНИ

На Господи, возвах: **стихиры на 4, глас 1.**

Подобен: Небесных чинов:

Предтечу Иоанна и Крестителя Христова, /
приидите согласно, вси вернии, / достойно
почтим прилежно: / пророк бо сый пророче-
ствует будущая, / яко служитель и тайнник
боголепен / неизреченных чудес Христовых.

Ирод безумный / отсекает твою главу нещадно, /
обличающе сего прескверный нрав; / Христос же
тя, треблаженне, / яко Крестителя, главу содевает
Церкви, / всех Содетель Господь и всех Избави-
тель.

На блюде принести твою главу / Ирод
беззаконный / скверней Иродиаде, / отсек со дер-
зновением, / повелевает, всеблаженне. / О, чудо
страшное, и преславно слышание! / Но Христова
Церковь радостно празднует твоё страдание.

Слава, глас 8:

Предтече Спасов, / аще и убийством разреши
Ирод тя, истины проповедника, / но уст твоих
светолучная свещá / и сущим во аде веры сияние, /
призывающи, светяше. / Темже моли помилovati-
ся душам нашим.

И ныне, Богородичен, глас тойже:

Владычице, прими молитвы раб Твоих / и
избави нас / от всякия нужды и печали.

Прокимен дне.

На стиховне стихиры, глас 2.

Подобен: Доме Евграфов:

Бóлий в рождённых женами / явился еси, бла-
женне, / яко Владыку всех / крестив, Иоанне, /
проро́че, проповедниче и Предтече.

Стих: Честна пред Господем / смерть преподоб-
ных Егб.

Егда Иродия / пьянством и блудом / одержима
виде / беззаконнаго Ирода, / ко убийству сего
привлече.

Стих: В память вечную / будет праведник.

Память священную / Божественнаго Иоанна и
Крестителя / любовью совершаем, / поюще Троицу
Пребожественную.

Слава, и ныне. Подобен тойже:

Едина христиан упование / и Предстательнице
Чистая, / с Предтечею / моли Сына Твоего / о Твоих
рабех.

Тропарь писан на велицей вечерни.

Слава, и ныне, Богородичен: Вся паче смысла:

НА ВЕЛИЦЕЙ ВЕЧЕРНИ

**Стихологисуем Блажен муж: 1-й антифón. На
Господи, возвах: поставим стихов 8 и поём
стихиры самогласны. Глас 6. Иоанна монаха:**

Рождеству сотворяему безстуднаго Ирода, /
скверныя плясавицы исполняшеся сложение
клятвы: / Предтечева бо глава, отсекшися, / яко
снесь, ношашеся на блюде возлежащим. / О, пира
мерзка, / непреподобна деяния / и убийства испол-
нена! / Но мы Крестителя, яко в рождённых женами
больша, / достойно чтуще, ублажаем.

(Дважды.)

Пляса ученица вселукаваго диавола / и главу
твою, Предтече, мзду взят. / О, пира, исполнена
кровей! / Лучше бе не клятися, Ироде беззаконне,
лжи вну́че. / Аще ли же и клялся еси, / но не о добре

клялся: / лучше бе солгавшу жизнь получи́ти, /
не́же и́стинствовавшу главу́ Предте́чеву усéкну-
ти. / Но мы Крестите́ля, я́ко в рождéнных жена́ми
бо́льша, / досто́йно чту́ще, ублажа́ем. *(Дважды.)*

Не подобáше ти, о Ироде, / прелюбоде́йнию
обличите́ля, / ра́ди рачéния сатани́нска / и разж-
же́ния не́йстовнаго блуда́ / сме́ртию осуди́ти. / Не
подобáше ти то́го всечестну́ю главу́ / пребеззако́н-
ней женé ра́ди кля́твы пляса́ния преда́ти бе́дне. /
О, ка́ко дерзну́л еси́ таково́ убийство соверши́ти! /
Ка́ко же не опали́ся скве́рная пляса́вица, / посреди́
пи́ра на блю́де нося́щи сию́? / Но мы Крестите́ля,
я́ко в рождéнных жена́ми бо́льша, / досто́йно
чту́ще, ублажа́ем. *(Дважды.)*

Па́ки Иродия́ бе́сится, / па́ки смуща́ется. / О,
пляса́ния льсти́вна и пи́ра с ле́стиею! / Крестите́ль
усека́шеся, и Ирод смуща́шеся. / Моли́твами, Го́с-
поди, Твое́го Предте́чи, / мир пода́ждь душа́м
на́шим. *(Дважды.)*

Сла́ва, глас то́йже:

Рождеству́ сотворя́ему безсту́днаго Ирода, /
скве́рная пляса́вицы исполня́шеся сло́жение
кля́твы: / Предте́чева бо глава́, отсéкшися, / я́ко
снедь, ноша́шеся на блю́де возлежа́щим. / О, пи́ра
ме́рзка, / непреподо́бна де́яния / и убийства испо́л-
нена! / Но мы Крестите́ля, я́ко в рождéнных
жена́ми бо́льша, / досто́йно чту́ще, ублажа́ем.

И ны́не, Богоро́дичен: Кто Тебе́ не ублажи́т:

Вход, проки́мен дне, и чтéния.

Проро́чества Иса́иина чтéние

(главы́ 40, 41, 45, 48 и 54):

Та́ко глаго́лет Госпо́дь: / утеша́йте, утеша́йте
лю́ди Моя́, глаго́лет Бог. / Священни́цы, глаго́лите
в се́рдцы Иерусали́му, / умоли́те его́, я́ко умно́жися
смирéние его́, / разреши́ся бо грех его́, / я́ко при́ят
из руки́ Госпо́дни сугу́ба согрешéния своя́. / Глас
вопи́ющаго в пусты́ни: / угото́вайте путь Госпо́-
день, / пра́вы твори́те стези́ Бо́гу на́шему. / На го́ру
высо́ку взы́ди, благовеству́й Сио́ну, / возвыша́й
кре́постию глас твой, благовеству́й Иерусали́му, /

вознесіте, не бѣйтесь./ Аз Господь Бог,/ Аз услышу убогих, Израилев, и не оставлю тех./ Но отверзу от гор реки и посреде поля источники,/ сотворю пустыню в луг и жаждущую землю во источники водныя./ Да возвеселится небо свыше, и облацы да кропят правду,/ да возсияет земля, и да прозйбнет милость,/ и правда да возсияет вкупе./ Глас веселия возвестите,/ и услышано да будет,/ возвестите даже до конец земли./ Глаголите, яко избави Господь раба Своего Иакова,/ и аще вжаждут в пустыни, источит им воду из камене./ Возвеселися, неплоды нераждающая,/ расторгни и возопий, неболевшая,/ яко многа чада пустыя паче,/ нежели имущия мужа.

Пророчества Малахїина чтеніе (глава 3):

Тако глаголет Господь Вседержитель:/ се Аз посылаю Ангела Моего пред лицем Твоим,/ иже уготовит путь Твой пред Тобою./ И придет во храм Свой Господь, Егоже вы ищите./ И кто стерпит день входа Его?/ Занеже Тому приити, яко огонь в горниле и якоже былие перущих,/ и очистит, поядая и очищая, яко сребро и злато./ И придет к вам судом,/ и будет Свидетель скор на лукавыя, и на прелюбодейцы,/ и на кленущия именем Моим во лжу,/ и на лишаяущия мзды наемника, и на насильствующие вдовицы,/ и пхающия сирья, и на уклоняющия суд пришельца,/ и на не боящияся Его, глаголет Господь Вседержитель./ Зане Аз Господь Бог ваш и не изменю Себе./ И вы, сынове Иаковли, уклонитесь от закона и не сохраните./ Сего ради обратитесь ко Мне, и обращуся к вам,/ глаголет Господь Вседержитель, и ублажат вас вси языцы./ И разумейте, яко Аз Господь, смотряый посреде праведнаго/ и посреде беззаконника в день он,/ воньже сотворю снабдение любящим Мя./ Познайте убо и помяните закон Моисеов, раба Моего,/ якоже заповеда вам в Хориве,/ ко всему Израилю повеление и оправдание./ И се Аз послю вам Илию Фесвитянина,/ прежде даже не приити дню Господню великому просвещенному,/ иже направит сердце отца к сыну и сердце человека ко искрен-

нему своему, / да не, пришед, поражу землю
вскоре, / глаголет Господь Вседержитель, / Бог
Святыи Израилев.

Премудрости Соломону чтение
(главы 4 и 5):

**Праведник, аще постигнет скончати, в покое
будет. / Осудит же праведник умираяи живущия
нечестивыя. / Узрят бо кончину праведнаго и не
разумеют, что совещаща о нем, / яко повержет
Господь нечестивыя безгласны ниц / и поколеблет
их от оснований, / и до последняго исчезнут в
болезни, / и память их погибнет. / Придут бо в
помышление согрешений своих ужасни, / и обли-
чат их против беззакония их. / Тогда станет в
дерзновении мнозе праведник / пред лицом оскор-
бивших его и отметающих труды его. / Видевше же
его, смятутся страхом многим / и ужаснутся о
преславнем спасении его. / Рекут бо в себе,
кающеся, / и в тесноте духа вздохнут и рекут: /
сей бе, егуже имехом некогда в посмех / и в притчу
поношения, безумнии, / житие его вменихом ней-
стово и кончину его безчестну. / Како вменися в
сынех Божиих, / и во святых жребий его есть? / Убо
заблудихом от пути истиннаго, / и правды свет не
облиста нам, / и солнце не возсия нам. / Беззакон-
ных исполнихомся стезь и погибели, / и ходихом
стеzi непроходны, / пути же Господня не разуме-
хом.**

**На литии стихиры самогласны, глас 1. Германа
патриарха:**

**Что ты наречем, пророче, / Ангела ли? Апостола
ли? Или мученика? / Ангела, зане яко безплотен
пожил еси; / апостола, яко научил еси языки; /
мученика же, яко твоя глава за Христа усечеса. /
Егуже моли помилovati души наша.**

**Отсеченней главе Предтечеве память соверша-
ем: / тогда убо на блюде источающи кровь, / ныне
же в концех проливающи исцеления.**

**Днесь непреподобноделообразная мати убий-
ства, / еже от беззаконнаго сплетения своего
всескверную дочь / над всех пророк богоизыщна
большаго, / убийственнообразным советом лукав-**

ствова: / враждѣбному бо Ёроду творящу пир своего сквернаго рождества, / с клятвою испросити устрои / чудоточную Богопроповѣдника честную главѹ, / еже и соверши пребезумный, / женскому плясанію дав ту возмѣдие, клятвенный дар. / Обаче не преста тайник Христова пришествия / богомерзкое смешение их и по кончине обличати, / но, обличая, вопиаше: / не подобает ти, глаголя, / прелюбодѣйствовати брата твоего Филиппа женѹ. / О, рожденія пророкоубийственна / и кровей наполнена пира! / Мы же благочестномудренне / во усекновении Предтечеве, / белообразующе, празднуем, / яко в благонаротчый день радуешься, / и умолим сего благосердствовати Троицу / от страстей безчестія избавити нас / и спасти души наша.

Глас 4: Рождение неподобно / и пир безстуднейший Ёрод совершил есть. / Любодѣйством бо женским услаждаемь / и нечестивым женонейством подстрекаемь, / отсече главѹ Предтечеву, / но не отсече языка пророческа, / обличающаго безумие его. / Пролиа кровь неповинну, / покрѣти хотя грех беззаконен, / но ни о сем скры гласа, / вопиющаго всем покаяние. / Он убо свеселяшеся убійством, / мы же спразднуем любовь / Крестителя Иоанна блаженное заколение. / Предваря бо во аде, / жизнь проповѣдати сущим во тьме и сени смертней сидящим, / свѣше восток Христа Бога нашего, / единаго Многомилостиваго.

Пророка, и мученика, и Крестителя Спасова, / приидите, людие, восхвалим: / сей бо во плоти Ангел сый, / Ёрода избличил есть, / пребеззаконнаго любодѣянія содеянием осудив его. / И беззаконнаго ради плясания / честная глава отсекается, / сущим во аде благовестуяй из мертвых воскресение, / и молится прилежно Господеву / спастися душам нашим.

Пророка, и мученика, и Крестителя Спасова, / приидите, людие, восхвалим: / яко бѣгая, в пустыни водворяшеся, / мед дивий и акриды ядый, / царя беззаконнующа обличил есть; / наше же малодушие утешаше, глаголя: / покайтесь, приближи бо ся Царство Небесное.

Слава, глас 5. Иоанна монаха:

Беззаконнаго деяния обличения / убежати Ирод
умыслив, / главу твою, Предтече, / беззаконней
жене предаде пакостно, / не разуме бо окаянный,
обличая себе, / на блюде обнося ю. / Но яко
чистоты детельный учитель / и покаяния настав-
ник спасительный, / молися, Крестителю Хри-
стов, / от страстей безчестия избавити нас.

И ныне, глас тойже:

Воспойте, людие, Матери Бога нашего, воспой-
те: / днесь бо всесветлую душу Свою / в пречистыя
длани / из Нея воплощагося без семене предаёт, /
Егоже и молит непрестанно / даровати вселенней
мир и велию милость.

На стиховне стихиры самогласны, глас 2:

Покаяния проповедниче, Иоанне Крестителю, /
отсечене бывшей твоей главе, / землю освятил
еси, / зане закон Божий верным уяснил еси / и
беззаконие потребил еси, / яко предстоя престолу
Небеснаго Царя Христа, / Того моли помилovati
души наша.

Стих: Праведник, яко финикс, процветет, / яко
кедр, иже в Ливане, умножится.

Закона ради Господня / во главу усекновен был
еси, / о всесвятый Иоанне! / Обличил еси царя
злочестива, беззаконновавша / дерзновением не-
порочным. / Темже дивятся тебе воинства ангель-
ская, / славят тя лица апостол и мученик. / Чтим
твою и мы летнюю память, всеславне, / славяще
Святую Троицу, / тебе венчавшую, Предтече
блаженне.

Стих: Возвеселится праведник о Господе / и
уповает на Него.

Иже от пророка пророк / и боли пророков быв, /
из чрева материя освященный в служение Господ-
не, / днесь от беззаконна царя в главу усекновен
бысть, / и безчестно плясавшую отроковицу, / ясно
и прежде усекновения и по усекновении обличив, /
посрамил греха полк. / И сего ради возопием: /
Крестителю Иоанне, / яко имея дерзновение, /
прилежно молися о душах наших.

Слава, глас 8:

Предтече Спасов, / ты царя избличил еси беззакония не делати. / Темже играние беззаконных жен / повину Ирода отсеци твою главу, / и сего ради от восток солнца даже до запад хвально имя твоё. / Дерзновение имея ко Господу, / прилежно моли спастися душам нашим.

И ныне, Богородичен: Безневестная Дево:

На благословении хлебов тропарь Предтечи, дважды, и Богородице Дево: единожды, и чтение.

Тропарь Предтечи, глас 2:

Память праведнаго с похвалами, / тебе же довлеет свидетельство Господне, Предтече: / показал бо ся еси воистинну и пророков честнейший, / яко и в струях крестити сподобился еси Проповеданнаго. / Темже за истину пострадав, радуясь, / благовестил еси и сущим во аде Бога, являшагося плотию, / вземлющаго грех мира / и подающаго нам великую милость.

НА УТРЕНИ

По 1-й стихологии седален, глас 5.

Подобен: Собезначальное Слово:

Ходатая согласно закона и благодати, вернии, сошедшися, восхвалим: / яко покаяние нам проповеда, / и, Ирода яве обличив дерзновенне, в главу свою усечен бысть, / и ныне, со Ангелы живущи, Христу молится спастися нам.

Слава, глас 4.

Подобен: Явился еси днесь:

Светлую твою память днесь творяще, / Спаса и Господа молити прилежно Тя молим, Предтече, / всем дати согрешений прощение.

И ныне, Богородичен. Подобен:

Теплое заступление сущим в бедях, и Помощницу нашу, / и к Богу пременение, Еюже тли избавимся, / Богородицу, вернии, ублажаем.

По 2-й стихоло́гии седа́лен, глас 5.

Подобен: Собезнача́льное Слово:

Иже от ложесн проро́ка, являшагося нам, / и от непло́дове свети́льника вселенней, я́сно произше́дша, / в пёснях восхва́лим Христо́ва Крестите́ля / и победоно́сна страда́льца Предте́чу Иоа́нна. / Мо́лится бо Го́сподеви поми́ловатися душáм нáшим.

Сла́ва, глас 4.

Подобен: Удиви́ся Ио́сиф:

Ны́не яви́ся нам Спа́сов Крестите́ль и веселит разуме́не помышле́ния ве́рных, / пусты́ни красота́ и проро́ков печáть, / те́мже Христо́в показáся Предте́ча и свидете́ль нелóжен прише́ствия Того́. / Духо́вными у́бо пёснями согла́сно Иоа́нну возопи́ем: / проро́че пропове́дниче истины, моли́ся спастися нам.

И ны́не, Богоро́дичен:

Удиви́шася, Чи́стая, вси А́нгелов ли́цы та́инству Твоего́ рождéния стра́шному: / ка́ко, Иже вся содержа́й ма́нием еди́ным, объ́ятии Твоими́, я́ко Чело́век, содержится, / и прие́млет нача́ло Преве́чный, и млеко́м пита́ется, / вся́кое дыха́ние пита́яя неизрече́нною бла́гостию! / И Тя, я́ко воистинну Бо́жию Ма́терь, хва́ляще, сла́вят.

По полиеле́и седа́лен, глас 8.

Подобен: Свире́лей па́стырских:

Предте́ча, ве́рнии, Крестите́ль и А́нгел всех Изба́вителя, / Ирода обли́чив за беззакóние Иродиáдино, умира́ет, во главу́ усече́н, / я́ко да и сущим во а́де со дерзнове́нием благовестит, / я́ко Бог сходи́т та́мо пленити смерть.

Сла́ва, и ны́не, Богоро́дичен:

Сло́во О́тчее на зéмлю сни́де, и А́нгел све́тел Богоро́дице глаго́лаше: / ра́дуйся, Благослове́нная, Я́же черто́г еди́на сохра́ншая, / зача́тие прие́мши Преве́чнаго Бо́га и Го́спода, / да от преле́сти, я́ко Бог, спасе́т род чело́веческий.

Степе́нна, 1-й антифо́н 4-го гласа. Прокі́мен, глас 4: Честна́ пред Го́сподем / смерть преподо́бных Его́. **Стих:** Чтó возда́м Го́сподеви о всех, я́же

воздаде ми? **Всякое дыханіе: Евангелие от Матфея, зачало 57.**

По 50-м псалмѣ стихира, глас 6:

Пляса ученица вселукаваго діавола / и главѹ твою, Предтече, мзду взят. / О, піра, исполнена кровей! / Лучше бе не клятися, Йроде беззаконне, лжи внуче. / Аще ли же и клялся еси, / но не о добре клялся: / лучше бе солгавшу жизнь получитьи, / неже истинствовавшу главѹ Предтечеву усекнути. / Но мы Крестителя, яко в рождѣнных женами больша, / достойно чтуще, убожаем.

Канона два, первый со ирмосом на 8. Иоанна монаха, глас 8.

Песнь 1

Ирмос: *Воду прошѣд, яко сѹшу, / и египетскаго зла избежав, / израильтянин вопіяше: / Избавителю и Богу нашему поим.*

От утробы неплодныя явльшася пророка / в ложеснах Девических, во чреве Носимому неизреченно, / священнаго воспоем Предтечу.

Пределы естества превозшед, правды соблюл еси законы, / беззаконное смешение обличая, не убоясь царева суровства.

Законным млеком воспитався, законоположение совокупления законнаго, / яко закона печать запечатствуя, / сопротивился еси мерзкому прелюбодеянию.

Богородичен: Чини Тя Ангел и человек, Безвестная Мати, восхваляют непрестанно: / Зиждителя бо сих яко Младенца на объятиих Твоих носила еси.

Другий канон на 6. Кир Андрѣя Критскаго, глас тойже.

Песнь 1

Ирмос: *Истрясшему в мори мучительство фараоне / и Израиля сѹшею наставьльшему / поим Христу, / яко прославися во веки.*

Пустьни красное овча, / Захарииин плод и Елисаветино паче надежды прозябение, / предповелевает верным торжествовати честную его память.

О, рождѣнія, исполнена кровѣ! / **О,** пира мѣрзка! / Убийством бо пьянство Ирод растворѣ, / трапѣза же егѣ скверноубийства горькаго исполнися.

Обличившаго Ирода беззаконнующа, вѣрнии, / и отсѣчение главы претерпѣвша, воспойм Крестителя, / яко за ревность Божию умерщвлена.

Богородичен: Неописаннаго Бѣга Слѣва, всего всѣльшася в Тя, / родила еси, Чистая Богородительнице, / сугуба Того, яко едина суща Сына, / воплощенна из Тебѣ неизреченно.

Катавасія: Крест начертав, Моисей:

Песнь 3

Ирмос: Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, вѣрных утверждение, / Едине Человеколюбче.

Дрѣвних яко ходатай и новых, Предтече, Евангельских проповѣданий / ты, представ, смешение беззаконное мучительское обличил еси, / славную смерть, радуясь, приѣл еси.

От матери беззаконныя преднаучена отроковица, / обюродѣвшу пьянством Иродови рече: / даждь на блюде главу Иоаннову, / матери да подам дар возжеленен.

Обличения не терпя безстыдный мучитель / богоноснаго твоего языка, славне Предтече, / отроковице предаѣт, женским плясаньем, честную твою страдальную главу, преславне.

Богородичен: Вселився в Дѣву телесне, Господи, / явился еси человеком, якоже подобаше видѣти Тя, / Юже и показал еси яко истинную Богородицу и вѣрным помощь, / Едине Человеколюбче.

Ин

Ирмос: Несть свят, яко Господь, / и несть праведен, яко Бог наш, / Егѣже поѣт вся тварь: / несть праведен, паче, Тебѣ, Господи.

Бѣлий не воста в рождѣнных женами Иоанна, взываше Христос Истина: / во утробѣ бо познано создание Создавшаго, / проповѣдаше матерним гласом.

Пёрстом, пёрвее, показав А́гнца / и язы́ком, второ́е, Ирода обличил еси́, / главо́ю же, трéтие, источа́еши чудеса́ от зданна сосуда́ нам.

Рождéние сла́вно, Крестите́лю Христов, и жити́е твоё непоро́чно, / и предъизше́ствие че́стно, и показáние странно, / смерть честна́ и погребéние сла́вно.

Богорóдичен: Бог Сый, Сам Себé истоци́л еси́, Единорóдне, / да спасéши, я́же созда́л еси́, / ихже ра́ди вочеловéчился еси́, вопло́щся от Дéвы, / и, все моё премени́в естество́, привёл еси́ Твоему́ Родите́лю.

Катава́сия: Жезл во о́браз:

Седáлен, глас 8.

Подóбен: Премудрости:

От непло́дове просия́в судом́ Бóжиим и ўзы разреши́в язы́ка о́тча, / показáл еси́ со́лнце, денни́цу озаря́ющее, / и лю́дем в пусты́ни Зиждите́ля проповéдал еси́, А́гнца, взёмлюща́го мiра грехи́. / Тёмже ре́вностию́ царя́ обличил еси́, / в пресла́вную главу́ твою́ усéчен быв, приснопа́мятне, Иоáнне всехва́льне, / моли́ся Христу́ Бóгу согрешéний оставлéние даровáти / праздну́ющим любóвию́ святую́ пáмять твою́.

Сла́ва, и ны́не, Богорóдичен:

Я́ко Дéву и еди́ну в жена́х, Тя, без семене́ ро́ждшую́ Бóга плóтию, / вси ублажа́ем, рóди чело́вечести́: / огонь бо всели́ся в Тя Божества́, / и я́ко Младéнца млекóм пита́еши Зиждите́ля и Гóспода. / Тем, а́нгельский и чело́веческий род, досто́йно сла́вим пресвято́е рождество́ Твоё / и соглáсно вопи́ем Ти: / моли́ Христа́ Бóга согрешéний оставлéние даровáти / покланя́ющимся вéрою пресвято́му рождеству́ Твоему́.

Песнь 4

Ирмо́с: Ты моя́ крéпость, Гóсподи, / Ты моя́ и си́ла, / Ты мой Бог, Ты моё ра́дование, / не оста́вь нéдра О́тча / и нашу́ нищету́ посетив. / Тем с проро́ком Авваку́мом зову́ Ти: / си́ле Твоей сла́ва, Чело́веколю́бче.

Не могій терпéти обличéния дёрзости, / йже закóна томлéнием повíнный, / ни дёрзость благочéстия, йже сквёрными сластьми растлénный, / связáв, блюдяше неvěщественно Гóрним прёжде концá ликóм совокупляемаго.

Душеврёдным пиянством и разжжéнием блудным поболéв, / отдán окаянный, отроковицы плясáнием ножным связан, / убийца Прорóка бывáет. / Зачáт бо пиянство блудá мáтерь и лóтое беззакóние породí.

Войстинну в тебé не солгá Божéственный глас: / ты бо во прорóцех бóльший еси, / я́ко прорóчеству сподóбился от сáмыя утрóбы в несовершенство телеси, / и проречénнаго тобóу Бóга Сло́ва и вíдев, и крестív в телеси.

Богорóдичен: Ты вёрных похвалá еси, Безневéстная, Ты Предстáтельница, / Ты и прибéжище христиán, стена́ и пристáнище: / к Сýну бо Твоему́ мольбы́ нóсиши, Всенепорóчная, / и спаса́еши от бед вéрою и любóвию Богорóдицу Чíстую Тебé зная́щая.

Ин

Ирмо́с: Из горы́ приосенénныя, Сло́ве, прорóк, / еди́ныя Богорóдицы, / хотя́ща воплотítися боговídно усмотри́ / и со стра́хом славослóвляше си́лу Твою́.

Уяснил еси́ нам Христóво Цáрство, / показáл еси́ лю́дем путí покая́ния / и Йрода обличíл еси́ беззакóннующа, / вели́кий проповéдниче, Иоáнне мýдре.

Не терпя́, Крестítелю, Йрод обличéния, / победи́ся гнёвом, и завистию, и гóрестию; / и соблюда́ше вре́мя рождéния, / в не́же усече́ главу́ твою́, проповéдниче Христóв.

Весели́ся, Крестítелю, да игра́ет дух твой: / обличáеши бо и та́мо безбо́жнаго Йрода / и сýщим во áде проповеду́еши душáм, глаго́ля: / спасéние нáше прибли́жися.

Чудíтся земля́ твоему́ жити́ю, Иоáнне, / проповéдует не́бо непра́ведное твоё заколéние, / и сказу́ет мнóжество добродéтелей твоих Цéрковь, воспева́ющая.

Богорóдичен: Родѣвся от Мáтере, Дѣвы Непорóчныя, / сохранил еси чѣсту по рождествѣ, / Ёже в моё существо Весь облѣкся, грехá кромѣ.

Катав́асія: Услы́шах, Гóсподи:

Песнь 5

Ирмóс: Вскúю мя отрѣнул еси / от лица Твоего, Свѣте Незаходѣмый, / и покрýла мя есть чуждáя тьма, ока́яннаго? / Но обрати́ мя, и к свѣту за́поведей Твоих / путѣ́ мой напра́ви, молю́ся.

Мáтерними наваждѣнными цѣну плясáния злодѣмонскаго / сурóвыя львицы суровѣ́йшее исча́дие испроси́, / ю́же и звѣрие сáми в пусты́ни почита́ху, / главú Предте́чи и проповѣ́дника.

О, твоих неизречѣнных и непостѣжных судѣб, Человеколóбче! / Яко во утробѣ ещё сýща мáтерни, Дýха Свята́го прѣятелище бѣвша / и возра́стша целомúдрием и чистото́ю скверна́вая испляса́ отрокови́ца.

Любѣзно и ѣскренно изво́ли беззакóнное сопря́жение любя́щему / к рождѣственным его́ питѣям и прорóче присовокупѣ́ти убѣйство, / и ча́шу, исполнену святы́х и прорóческих кровѣй, сластолю́бием растворѣ́ти.

Богорóдичен: Мáтерне дерзнове́ние, ёже к Сы́ну Твоему́ имúщи, Пречѣ́стая, / срóднаго промы́шленія, ёже о нас, не прѣзри, мо́лимся: / я́ко Тебѣ и еди́ну, христиáне, ко Влады́ще, очищѣ́ние мѣлостивно предлага́ем.

Ин

Ирмóс: От но́щи невѣдения / боговѣ́дением просветѣ́вый концы́, / просвети́ мя úтром человеколóбѣя Твоего́, Гóсподи.

Пусты́нное овча́ и вселѣ́нной стяжа́ние Предте́ча / днесь гото́вит духо́вную трапѣзу нам.

Сласте́й раба́ и за́конов престúпника, обличи́л еси́, Иоáнне, Ёрода, / Иродиáды горькаго рачѣ́теля.

Иродиáда пляшет, Иоáнн вѣжется и закала́ется. / О, пьянства Ёродова! / О, несмы́слства ду́ши его́!

Богорóдичен: Ра́дуйся, Божѣ́ственная Горó, / от Нея́же Ка́мень отсече́ся без рук, Пречѣ́стая, /

усырившиися Богу и Словоу, Всенепорочная, плотию.

Катавасия: *О, треблаженное Древо:*

Песнь 6

Ирмос: *Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.*

О заповедех закона бедствуяй, блаженне, / обличеньми наказуеши беззаконовавшего: / не был бо еси трость, вражиих ветров колеблема дуновеньми.

Кровию заклания главы каплющи твоя, / принесеса блудным подвигом вместо мзды, / Ирода обличаючи и по кончине, яко естество смесивша.

В пустынях ходя, власы велбужи покрываемь, / во оных убо яко светосиянно жил еси царски, / во оных же, яко царску обнося красоту, / над страстьми воцарился еси.

Богородичен: *Да избавимся от лют прегрешений молитвами Твоими, Богородительнице Чистая, / и да улучим, Пресвятая, Божественное сияние / из Тебе неизреченно воплощенного Сына Божия.*

Ин

Ирмос: *Якоже пророка избавил еси / из глубины преисподния, Христе Боже, / и мене от грехов моих избави, яко Человеколюбец, / и управи живот мой, молюся.*

Усечение честныя и всехвальныя твоея главы, Предтече Христов, почитающе, / славим твою приснохвальную и всемирную память, преблаженне.

О, сквернаго гощения! О, горькаго рождения! / О, пьянства сквернаго Ирода беззаконнаго! / Содержим бысть к беззаконию и обличаемь, / Пророка убити поучавается.

Плясавши новая египтяныя посреди пира сквернено, главу испроси, / сея обличившую родительницу и Иродову наложницу.

Богородичен: *Иже ныне Сын Девы, первее Сын Отеч показася, / не ин разумеваемь, от видимаго, / аще и пребысть един во обою совершен.*

Катавасия: *Воднаго зверя во утробе:*

Конда́к, глас 5:

Предтечево сла́вное усекнове́ние / смотре́ние
бысть не́кое Божество́нное, / да и су́щим во а́де
Спасово пропове́сть пришество́ние. / Да рыда́ет у́бо
Иродиа́, / беззако́нное убийство испроси́вши: / не
зако́н бо Бо́жий, ни живы́й век возлюби́, / но
притво́рный, привре́менный.

И́кос:

Рождéние Иродово всем яви́ся непреподобно, /
егда́ посреди́ пита́ющихся глава́ постящагося
предложис́я, якоже снeдь: / радости совокупис́я
печаль, и смéху растворис́я го́рькое рыда́ние, / яко
главу́ Крестите́леву на блю́де нося́, пред все́ми
вни́де, якоже рече́, отрокови́ца. / И кля́твы ра́ди
рыда́ние нападе́ на вся возлежа́щая тогда́ с
царём: / не бо обвесели́ о́них, ниже́ Ирода́ само́го. /
Рече́ бо: оскорбёша печалию́ не и́стинною, / но
притво́рною, привре́менною.

Песнь 7

Ирмо́с: *Бо́жия снизхожде́ния / огонь устыде́ся в
Вавило́не иногда́, / сегó ра́ди о́троцы в пещи́,
радованною ного́ю, / яко во цветнице́, ликую́ще,
пойху: / благослове́н еси́, Бо́же о́тец на́ших.*

Блудным желáнием, лю́тым же пьянством воору́-
жён, / прирази́вся, разсе́дeся, к воздержáния стол-
пу́ непреклóнному / и целомудрия́ ко гра́ду нераз-
руши́мому, Христо́ву Крестите́лю, Ирод беззако́н-
ный.

Не ужасе́ся, Предте́че, не устыде́ся, не ослабе́
науче́ная диáволом, / твою́ принося́щи честну́ю
главу́ безсты́дно на блю́де, / наважде́нием ма́тер-
ним прельсти́вши ум.

Яко свети́льник, просия́л еси́, предпосла́вся же,
яко А́нгел; / яко Проро́к, проповедуеши А́гнца
Бо́жия, явля́шагося Христа́; / яко му́ченик, мечём
во главу́ усéклся еси́, / предвозвеща́я Того́ и су́щим
во а́де ме́ртвым.

Богорóдичен: *Избавльшeся рождество́м Твои́м
осужде́ния дре́вняго падéния, / явлéнную вину́
свобождéния, Тя, Ма́ти Де́во, с Сы́ном Твои́м, /
давши́м изба́ву о нас Себе́, при́сно сла́вим.*

Ин

Ирмос: *В нача́ле зѣмлю основа́вый / и Небеса́ сло́вом утверди́вый, / благослове́н еси́ во ве́ки, Го́споди, Бо́же оте́ц на́ших.*

Закон Бо́жий проповѣдуя, Иоáнн / злочестіваго не убо́йся Ёрода беззаконнующаго уцеломудрити: / огонь бо бе в нем грехá его́.

О, главы́, я́сно законополага́ющия и от земли́ Ёроду провозглаша́ющия: / не досто́ит тебѣ беззаконнующу багряницу носіти, / я́ко мучітельскую оде́жду.

Ору́жии скверными беззаконный Ёрод воору́жився, / с клятвою исполняше беззаконіе, / го́щєния пия́нство имѣя та́мо, своінствующее томú.

Богородичен: *Безплóтен сый — непрелóжно воплотіся; / Безлѣтен сый — во врѣмени позна́ся от Дѣвы, / всех Зиждітель, несмѣсно пребыв, я́коже бе, и быв, я́коже не бе.*

Катавасія: *Безумное велѣние:*

Песнь 8

Ирмос: *Седмери́цею пещь / халдѣ́йский мучітель / Богочестівым неістовно разжже́, / сілою же лу́чшею спасены, сия́ ви́дев, / Творцу́ и Избáвителю вопіяше: / о́троцы, благословіте, / священницы, воспойте, / лю́дие, превозносите во вся ве́ки.*

Предтекій рождество́ Твое́ и Божѣственное страда́ние, / в преисподних мечѣм бывáет проро́к и вѣстник та́мошняго пришѣствия Твоего́, / я́ко глас Сло́ва Иоáнн зывáя: / мѣртвии, — Животода́вца, слєпїи, — Светода́вца, / пленѣннии, — Избáвителя Хри́ста превозносите во вся ве́ки.

Девіческаго рождества́ предтѣк от неплóдове, / ны́не во́льнаго вся Созда́вшаго бысть распя́тия предшѣственник, / усекновѣнием главнѣм сущим во áде зовѣй: / о́троцы, благословіте, священницы, воспойте, / лю́дие, превозносите во вся ве́ки.

Главе́ твоѣй от телесѣ отъя́те бѣвши, Предтѣче, / твоѣю плóтию душа́ влада́ющая от сея́ разделіся, / но Божество́ от плóти Емману́ила не разлучіся отсіюду, / и кость не сокрушіся Бо́га и Влады́ки. / Тѣмже превозно́сим Его́ во ве́ки вся.

Богородичен: Господородительнице Пречистая, души моея язвы и гноения / милостивною мольбою Твоею, Дево, очисти и падша возстави. / Спаси мя, Всенепорочная, блуднаго, спаси: / Ты бо ми еси Предстательница и заступление, / едина Чистая и Благословенная во вся веки.

Ин

Ирмос: На горé святéй прославльшася / и в купинé огнём Приснодевы Моисéови тайну явльшаго, / Гóспода пойте / и превозносите во вся веки.

Проповéдавый Христóво пришествие сущим во аде, / véрою возвещая, болéзни решаяй приходит Господь славы, / Егóже превозносим во вся веки.

В темнице ты затвори Ирод, Иоáнне, вторáго Илию, / и, желéзными úзы связав, уби, / пока́ния и Цáрствия véрнаго священнопроповéдника.

О, трапéзы, крóве исполненныя! / **О,** снéдей, убийством растворённых! / **О,** пи́ра, исполнена сýетства! / **О,** безчеловéчия и скверноубийства Ирода беззакóннаго!

Богородичен: Горé весь и до́ле весь, Сло́ве, в недрах Отчих и Мáтере Твоея, / весь Бог и весь естеством Человéк, / едiн Ипостáсию и сугуб естеством еси, Мiлостиве.

Катавасия: Благословите, óтроцы:

Песнь 9

Ирмос: Устрашiся всяк слух / неизреченна Бóжия снизхождéния, / я́ко Вьшний волею снiде да́же и до плóти, / от девическаго чрéва быв Человéк. / Тёмже Пречистую Богородицу, véрнии, велича́ем.

Устрашiся полк лукавый и сегó предстатель диáвол / богослóвнаго твоегó, Прорóче, язýка, Христá проповéдавшего, / и отроковицею сквёрною Ирода повинú главú усещi твою, / но мы тя, Крестiтеля, велича́ем.

Удóль úбо естества смире́на возвы́сися, и холм смири́ся смёртныя горды́ни, / глас бо вопиющаго воззва́ в пусты́нях свёта, во áдовых жилищах: / врата́ возмiтся, Царь бо всех вни́дет.

Трепéщут стра́сти челове́ческия и страхом отбега́ют дёмони, / осенéнием от Бóга тебе́ да́нныя

благодати./ Но от обоих искушений стадо твоё
избави, Господень Предтече,/ верою ты присно
величающее.

Богородичен: Напрязи, и успевай, и царствуй,
Сыне Богоматере,/ исмаильтеския люди покоряя,
борющия нас,/ воинству победы даруя на варва-
ры враги/ мольбами рождшия Тя, Слове Божий.

Ин

Ирмос: Проявленное на горе законоположнику
во огни и купине/ рождество Приснодевы/ в
наше, верных, спасение/ песнями немолчными
величаем.

Паки Иезавель ликует на Илию,/ паки египтя-
ныня Иосифа ищет,/ Пророка же и Крестителя
Спасова—/ ныне являющаяся Иродиада скверна-
вая.

Во главу усечен быв, Иоанне, от Ирода,/ сущим
в аде душам послался еси/ проповедати Грядуща-
го и тех спасти всех,/ прежде скончавшихся
верных от Адама.

Светильник Света и глас Слова сый, проповед-
ник Агнца Божия,/ пустынное овча, Иоанне,
честный мучениче Господень,/ моли спастися
поющим тя.

Богородичен: Единая в женах по рождестве
явилася еси Дева,/ единая в женах Ты Богороди-
тельница показала еси,/ единая разрешила еси
от болезни Еву/ и первородную изсушила еси
клятву.

Катавасия: Таин еси, Богородице, рай:

Светилен.

Подобен: Учеником зрящим:

Во пророцех большая познана и апостол предъиз-
бранна бывша,/ песнями похвальными венчаем
Предтечу благодати:/ во главу бо усечен бысть
закона ради Господня.

Слава:

Скверный Ирод/ чистоты садителю, тебе, Кре-
стителю Спасов,/ главу усече лествице,/ обличен-
ный же твоего языка посети никакоже возможно.

И ныне, Богородичен:

Яже клятву мирскую Божественным рождеством Твоим, Чистая, потребльши, / стадо, Тебе молящееся верно, от всяких бед избави / молитвами Твоими Отроковице.

На хвалитех стихиры на 4, глас 8.

Подобен: О, преславнаго чудесе:

О, преславнаго чудесе! / Священную главу и Ангелом говейную / нечистая блудница ношаше, отроковица, / обличившую деяние беззаконно, / прелюбодейце матери принесе. / О, неизреченнаго твоего терпения, Человеколюбче! / Имже, Христе, спаси души наша, / яко един Благоутробен.

О, Иродова окаменения! / Обезчестивый Бога законными преступленьми, / клятвы соблюдением лестне лицемерствует / и к прелюбодейнию убийство прилагает, / сетовати творяйся. / О, неизглаголаннаго Твоего милосердия, Владыко! / Имже, Христе, спаси души наша, / яко един Благоутробен.

О, паче ума удивления! / Пророков печать, земный Ангел / блудному плясанию показуется цена, / богословный язык, / предпосылается и сущим во аде / Христов провозвестник. / О, несказаннаго Твоего промысления, Владыко! / Имже, Христе, спаси души наша, / яко един Благоутробен.

Слава, глас 6:

Паки Иродия бесится, / паки смущается. / О, плясания льстивна и пира с лестию! / Креститель усекашеся, / и Ирод смущашеся. / Молитвами, Господи, Твоего Предтечи / мир подаждь душам нашим.

И ныне, Богородичен, глас тойже:

Богородице, Ты еси лоза истинная, / возрастившая нам Плод живота, / Тебе молимся: / молися, Владычице, со святыми апостолы / помилovati души наша.

Славословие великое.

По трисвятом тропарь Предтечи. Слава, и ныне: Вся, паче смьсла: Ектений и отпуст. И даётся святыи елей братии от

канділа святаго Предтечи. И час 1-й. На 1-м часе тропарь и кондак Предтечи. И конечный отпуст.

НА ЛИТУРГИИ

Блаженны от канона 1-го, песнь 3-я, на 4, и 2-го 6-я, на 4. Прокимен, глас 7: Возвеселится праведник о Господе / и уповает на Него. Стих: Услыши, Боже, глас мой, внегда молити ми ся к Тебе. Апостол Деяний, зачало 33. Аллилуйя, глас 4: Праведник, яко финикс, процветет, яко кедр, иже в Ливане, умножится. Стих: Насаждени в дому Господни во дворах дому Бога нашего процветут. Евангелие от Марка, зачало 24. Причастен: В память вечную будет праведник: На трапезе утешение братии, кроме сыра, и яиц, и рыбы. Ядим же дважды днем, аще среда или пятък.

Ведомо же буди, яко аще случится праздник сей в зри Неделю, предваряет вся служба воскресна на вечерни, и на утрени, и на Литургии.

Зри постного сего устава на усекновение честныя главы Предтечевы, древними святыми отцы в сей день завещаннаго. Суть убо нецыи предають, качеству быти тогда снедей, а не посту. О том бо не возмогохом ничтоже обрести написано в различных типичех, но паче достойт в той день всяко воздержатися постом пострадавшаго ради за истину Пророка и проповедавшаго во аде Господа. Разрешению же быти точию на деревяное масло, и прочая от различных овоцнаго плода, и по мере единой чашице вина в славу Божию, труда ради бденнаго, всяко бо достойт нам в той день сетованием унылым быти, а не чревоугождение имети воздержательнаго ради жития святаго и скверноубийственнаго кровопролития его от Ирода. Понеже усечена бысть глава Предтечева на пиру плясанием блудныя плясавицы, и чревоугодием, и различных животных закланием, и кровопролитием, нам же ни единого от таковых животных, из нихже кровь изливается, но ниже рыб (кровь бо имеют, аще и в воде жительствоуют, и от тварей животных суть), подобает вкушати, да не сообщницы явимся Иродову чревоугодию. Како бо Крестителево честное усекновение почтити восхощем? Мясо ли хощем ясти или от иных различных брашен многоценных? А он живяше в пустыни безводней и безтравней, ни хлеба ядыше, ни трапезы имяше. Вино ли пием? А он никогдаже пияше вина, ни иного пития мирскаго. Ни в храмах живяше, но под камением вкопався живяше. Стол, трапеза и одр ему быше земля, разве ради нужды естественныя единою днем вкушаше акриды и мед дивий. Чаша же ему пригорщи быше, а питие — из камене текущая вода. Темже, братие, усердно почтим день сей молитвою и постом в целомудрии. Отбежим пиянственнаго сего злаго нрава. Аще бо кто неверствием одержим будет и узаконен-

наго сего многоразсудительнаго повеления не сохранит, таковъй зле пагубныя напасти постраждет. Право содержащих же подвиг сей, Господи, благослови, управи молитвами святаго Предтечи.

Молитва

Крестителю Христов, проповедниче покаяния, кающагося не презри мене, но, совокупляясь с вои Небесными, молись ко Владыце за мене, недостойнаго, унылаго, немощнаго и печальнаго, во многия беды впавшаго, утружденнаго бурными помыслы ума моего. Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земным вещем. Что сотворю, не вем, и к кому прибегну, да спасена будет душа моя, токмо к тебе, святый Иоанне, благодати тезоимените, яко ты пред Господем, по Богородице, вем больша быти рожденных всех: ты бо сподобился еси коснуться верху Царя Христа, вземлющаго грехи мира, Агнца Божия. Егже моли за грешную мою душу, да поне отныне, в первыйнадесять час, понесу тяготу благую и прииму мзду с последними. Ей, Крестителю Христов, честный Предтече, крайний пророче, первый во благодати мучениче, постников и пустынников наставниче, чистоты учителю и ближний друже Христов, тя молю, к тебе прибегаю, не отрини мене от твоего заступления, но возстави мя, падшагося многими грехи, obnovi душу мою покаянием, яко вторым крещением, понеже обоех начальник еси, крещением омываяй грех, покаяние же проповедуяй во очищение коегждо от дел скверных; очисти убо мя, грехми оскверненнаго, и понуди внити, аможе ничтоже скверно входит, в Царствие Небесное. АМИНЬ.

Усекновение главы Пророка, Предтечи и Крестителя Господня Иоанна. О мученической кончине святого Иоанна Крестителя в 32 году по Рождестве Христовом повествуют Евангелисты Матфей (Мф. 14, 1—12) и Марк (Мк. 6, 14—29).

После Крещения Господня святой Иоанн Креститель был заключен в темницу Иродом Антипой, четвер-

товластником, правителем Галилеи. (После смерти Ирода Великого римляне разделили территорию Палестины на четыре части и в каждой части поставили правителем своего ставленника. Ирод Антипа получил от императора Августа в управление Галилею.) Пророк Божий открыто обличал Ирода за то, что, оставив законную жену, дочь аравийского

царя Арефы, он незаконно сожительствова с Иродиадой, женой своего брата Филиппа (Лк. 3, 19, 20). В день своего рождения Ирод устроил пир вельможам, старейшинам и тысяченачальникам. Дочь Иродиады Саломия плясала перед гостями и угодила Ироду. В благодарность девице он поклялся дать все, чего она ни попросит, даже до половины своего царства. Скверная танцовщица по совету своей злобной матери Иродиады просила дать ей тотчас же на блюде голову Иоанна Крестителя. Ирод опекался. Он боялся гнева Божия за убийство пророка, которого сам раньше слушался. Боялся он и народа, который любил святого Предтечу. Но из-за гостей и неосторожной клятвы он повелел отрубить голову святому Иоанну и отдать Саломии. По преданию, уста мертвой главы проповедника покаяния еще раз открылись и произнесли: «Ирод, не должно тебе иметь жену Филиппа, брата твоего». Саломия взяла блюдо с главой святого Иоанна и отнесла своей матери. Неистовая Иродиада исколола язык пророка иглой и закопала его святую главу в нечистом месте. Но благочестивая Иоанна, жена домоправителя Иродова Хузы, погребла святую голову Иоанна Крестителя в глиняном сосуде на горе Елеонской, где у Ирода был собственный участок земли (обретение честной главы празднуется 24 февраля). Святые тело Иоанна Крестителя взяли в ту же ночь его ученики и погребли в Севастии, там, где совершилось злодеяние. После

убийства святого Иоанна Крестителя Ирод продолжал править еще некоторое время. Понтий Пилат, правитель Иудеи, посылал к нему связанного Иисуса Христа, над которым он насмеялся (Лк. 23, 7—12).

Суд Божий совершился над Иродом, Иродиадой и Саломией еще при их земной жизни. Саломия, переходя зимой реку Сикорис, провалилась под лед. Лед сдавил ее так, что она висела телом в воде, а голова ее находилась надо льдом. Подобно тому, как она некогда плясала ногами по земле, теперь она, словно пляшущая, производила беспомощные движения в ледяной воде. Так она висела до тех пор; пока острый лед не перерезал ее шеи. Труп ее не был найден, а голову принесли Ироду с Иродиадой, как некогда принесли им главу святого Иоанна Предтечи. Аравийский царь Арефа в отмщение за бесчестие своей дочери двинул войско против Ирода. Потерпев поражение, Ирод подвергся гневу римского императора Кая Калигулы (37—41) и был вместе с Иродиадой сослан в заточение в Галлию, а потом в Испанию. Там они были поглощены землей.

В память усекновения главы святого Иоанна Крестителя Церковью установлен праздник и строгий пост как выражение скорби христиан о насильственной смерти великого Пророка. В этот день Церковь совершает поминовение воинов, на поле брани убиенных, установленное в 1769 году во время войны России с Турцией и Польшей.

